

“დამტკიცებულია“

აკადემიური საბჭოს 2015 წლის 24 საქტემბერს

(ოქმი N8) გადაწყვეტილებით,

აკადემიური და მოწვეული პერსონალის დატვირთვის წესი

მუხლი 1.

წინამდებარე წესი განსაზღვრავს საქართველოს ფიზიკური არზრდისა და სპორტის სახელმწიფო სასწავლო უნივერსიტეტის (შემდგომში -სასწავლო უნივერსიტეტი) დატვირთვის ზღვრულ ოდენობას და საათობრივი დატვირთვის განაწილების წესს.

მუხლი 2.

1. აკადემიური პერსონალის შემადგენლობას განეკუთვნება:

- პროფესორი
- ასოცირებული პროფესორი
- ასისტენტ-პროფესორი
- ასისტენტი.

2. პროფესორები მონაწილეობენ ან/და წარმართავენ სასწავლო და სამეცნიერო კვლევით პროცესს.

3. სასწავლო უნივერსიტეტში აკადემიური პერსონალის შერჩევა მიმდინარეობს „აკადემიური პერსონალის სამსახურში მიღების და კონკურსის ჩატარების ერთიანი წესის“ შესაბამისად. არჩეული აკადემიური პერსონალის უფლება-მოვალეობები განისაზღვრება აკადემიურ პერსონალთან დადებული შრომითი ხელშეკრულებით.

4. სასწავლო პროცესის შეუფერხებლად და სრულყოფილად წარმართვისათვის სასწავლო უნივერსიტეტი პროფესიული ნიშნით არჩევს დადებს შრომით ხელშეკრულებას მოწვეულ პერსონალთან საათობრივი ანაზღაურების წესით, სადაც შესრულებული ერთი საათის ანაზღაურების სახელფასო ტარიფი განისაზღვრება რექტორის ბრძანებით.

მუხლი 3.

1. სასწავლო უნივერსიტეტში სალექციო, პრაქტიკული სამუშაოს ერთი სააუდიტორიო მეცადინეობის ხანგრძლივობა განისაზღვრება 50 წუთით, მეცადინეობებს შორის შუალედი 10 წუთია.

2. ჯგუფში მუშაობისას ჯგუფში სტუდენტთა რაოდენობა არ უნდა აღემატებოდეს 15 სტუდენტს, ხოლო სალექციო ჯგუფში - 70 სტუდენტს.

3. ამ მუხლიდან გამონაკლისი დასაშვებია მხოლოდ რექტორის ბრძანებით, თუ სტუდენტთა რაოდენობიდან გამომდინარე შეუძლებელია შესაბამისი რაოდენობის ჯგუფების შექმნა.

მუხლი 4.

1. აკადემიური პერსონალის საშტატო აკადემიური დატვირთვა განისაზღვრება:
 - ა) სალექციო აუდიტორიებში (სააუდიტორო-საკონტაქტო) საათებით;
 - ბ) კონსულტაციაზე (კვირაში ერთხელ 1 სთ)/წინასაგამოცდო (2 სთ) კონსულტაციაზე დათმობილი საათებით;
2. აკადემიური პერსონალის საშტატო ვალდებულება, გარდა ამ მუხლის პირველი პუნქტით გათვალისწინებული ნორმისა, მოიცავს შემდეგს:
 - ა) საგამოცდო საკითხების, ტესტების და ბილეთების შედგენა, რეგულარული განახლება;
 - ბ) სტუდენტთა შეფასების პროცესში მონაწილეობა და საგამოცდო ნაშრომების გასწორება;
 - გ) საგამოცდო პერიოდში გამოცდების მიმდინარეობის მონიტორინგი;
 - დ) სხვადასხვა კომისიების მუშაობაში მონაწილეობის მიღება;
 - ე) სამეცნიერო-კვლევითი მუშაობის წარმოება;
 - ვ) სამეცნიერო და სხვა სახის კონფერენციებში, სემინარებში, ვორკშოპებში, სიმპოზიუმებში მონაწილეობა;
 - ზ) სტუდენტთა სამეცნიერო-კვლევითი მუშაობის ხელმძღვანელობა;
 - თ) სტუდენტთა სასწავლო რესურსების მომზადება და ბიბლიოთეკაში განთავსება;
 - კ) სასწავლო უნივერსიტეტის მიერ დაგეგმილ ღონისძიებებში მონაწილეობა;
 - ლ) სასწავლო უნივერსიტეტის წესდებით, შინაგანაწესითა და სხვა ნორმატიული დოკუმენტებით განსაზღვრული ვალდებულებების შესრულება.
 - მ) საგანმანათლებლო პროგრამის ხელმძღვანელობა.

მუხლი 5.

1. სააუდიტორო მეცადინეობების ხანგრძლივობა სასწავლო წლის განმავლობაში შეადგენს 30 კვირას.

2. აკადემიური პერსონალის სააუდიტორო დატვირთვა ერთ განაკვეთზე, კვირის განმავლობაში შეადგენს:

აკადემიური პერსონალის დატვირთვის ზღვრული ოდენობა შეადგენს:

ა) პროფესორი - 7-8 საათი კვირაში;

ბ) ასოცირებული პროფესორი 9-10 საათი კვირაში;

გ) ასისტენტ პროფესორი 11-12 საათი კვირაში;

დ) ასისტენტი - 12 საათი (მხოლოდ სასემინარო მეცადინეობებისათვის).

პედაგოგიური დატვირთვის პარალელურად, აკადემიური პერსონალი ვალდებულია განახორციელოს ყოველკვირეული კონსულტაციები, სტუდენტებისათვის სასწავლო კურსის გარშემო, ასევე დარგის კვლევით პრობლემატიკაზე, მის მიერ

განხორციელებული თითოეული სასწავლო კურსისათვის კვირაში 1 საათის რაოდენობით;

- დაიცვას სასწავლო უნივერსიტეტის წესდების მოთხოვნები;
- დაიცვას ეთიკის კოდექსი და დისციპლინური პასუხისმგებლობის ნორმები;
- შეასრულოს შრომითი ხელშეკრულებით ნაკისრი მოვალეობები;
- ანაზღაურებადი სამეცნიერო-შემოქმედებითი შვებულების დასრულების შემდეგ წარმოადგინოს ანგარიში ჩატარებული მუშაობის შესახებ.

მუხლი 6.

1. აკადემიურ პერსონალს დატვირთვით განსაზღვრული საათების გაცდენის და მათი არადგენის შემთხვევაში, გაცდენილი საათების ანაზღაურება დაექვეთვებათ პროპორციულად ანაზღაურებიდან.

2. წინასწარ შეთანხმების საფუძველზე, დატვირთვით განსაზღვრული გაცდენილი საათები ექვემდებარება აღდგენას ფაკულტეტის მიერ დადგენილ ვადებში.

3. მოწვეულ პერსონალს შეუსრულებელი საათები არა უნაზღაურდება.

4. თუ სასწავლო წლის განმავლობაში პედაგოგი შეასრულებს წინასწარ დაუგეგმავ, მაგრამ საგანმანათლებლო პროცესით განსაზღვრულ სამუშაოს, როგორებიცაა, FX- კატეგორიით შეფასებული სტუდენტების დამატებითი გამოცდის ჩატარება, გამოცდების ჩატარება მობილობის წესით ჩასარიცხი სტუდენტების კრედიტების აღიარებისათვის, მაგისტრატურის მისაღები გამოცდების კომისიის წევრობა და ა.შ, რაც ჩაეთვლება არასააუდიტორიო დატვირთვის საათებში.